

# LA USC DI LADINS

## Brava Lisa!

**Data**  
09 de merz 2016

**Lisa Verginer da San Martin, studënta dl Lizeum Linguistich da La Ila, á davagné la seleziun provinziála dles Olimpiades de Talian.**

Ai 3 de merz é gnü desfiré tla scora profesionala de grafica y comunicaziun da Porsenú les finales provinziáles por les "Olimpiades de Talian". Chësc concurs nazional é rové iniann a süa 6. ediziun y vëgn organisé dal Minister dl'Istruziun, Universitè y Inrescida (MIUR), en colaboraziun cun la Societá Dante Alighieri, che fistidiëia dla promoziun dl lingaz talian tl monn. Da trëi agn incá pó tó pert al concurs - te na seziun a pert - ince les scores todësces y ladines dla provinzia de Balsan, olache i studënc á le talian sciöche secundo lingaz. I ladins á arjunt vigni iade dër de bugn resultac, sc'i ponsun ai 2. posc arjunc tles ultimes döes ediziuns respetivamënter da Elena Frenademez y Silvia Pizzinini. Iniann éra jüda ciamó damí, olache le pröm post tla categoria junior (1. y 2. scora alta) é gnü davagné da Lisa Verginer da San Martin, studënta de pröma classa dl Lizeum Linguistich da La Ila. Éra podará sëgn jí ales finales a Roma.



*Deplü ciäfëise t'La Usc di Ladins di 11 de merz (pablo)*

<http://www.lausc.it/valedes-ladines/val-badia/2882-brava-lisa>